

周益公文集第二十九

省齋文稿二十九

宋廬陵周益公必大著

行狀 神道碑

左承奉郎直敷文閣主管台州崇道觀王公
庭珪行狀

本貫吉州安福縣

魯祖著故不仕

祖祥故不仕

父爽故不仕

公姓王氏諱庭珪字民瞻其先太原人八世祖該避

唐末亂徙居廬陵郡西六十里之何山好善樂施人號長者偽吳順義元年龍見所居陂田間有異僧云是將為佛寺公宜北去百里遇三白即止子孫當繁衍且出文士長者如其言行至安成北之連嶺遇白馬一問其地名曰大白茅稍前曰小白茅乃家焉李氏保大中龍復見何山遂為龍田寺今金地寺是也公之在母大父夢赤文亘天既寤公生人知為文字之祥矣元祐間自連嶺徙居邑中公時為兒童毅然有成人風年十二三刻志於學晝夜不息弱冠通經史百家崇寧癸未舍法取士公一試右諸生何損以對策貶廬陵故工部侍郎郭公孝友從之孝一日聽公講歸以大義告損損驚曰後來之雋也明年貢辟雍時方錮史學禁士人說詩公獨與顯謨閣直學士劉公才郡吟誦自若丁父憂家事一付弟姪縣榜其里曰清節未幾芝產瑩上水連理人謂孝友所致大觀間提奉本路李事張公根欲薦以八行公曰此士之常乃以為異耶辭不就登致和八年第調衡州茶陵丞邑大俗樸公擇秀民教以孝應書者歲增猾吏文雅善交結脅持甚前令丞莫敢治公獨發其姦言于郡黥徙之至今父老能道其事也先是湖南田

賦不均茶陵尤甚富者受田不受稅以避大役公身
令約凡執役者一毫無所須民既不病役徐下令正
其賦不悛者沒入之自是產與稅偕而役均矣丞舊
兼造船場有部使者嘗薦公既而諉公役匠造私器
公不可且歸其章使者大怒亦會與守倅爭公事遂
拂衣去潭師曾公孝序挽留再三頃之宰掾倪公濤
左官來致書願交且責監司不能容一賢者其為名
人所重如此宣和末公年未五十知時事貼危無宦
游意李道著書若將終焉邑有盧溪築草堂其上鄉
人號盧溪先生執經來者屨滿戶外紹興初州賦屬
邑脩城期會迫遽公語假今黃衡軍興民困城幸堅
胡為勞人衡告太守守大怒將劾衡公謂衡君盍輕
一官全民力乎衡即日解印綬去守聞愧甚為輟是
役趙丞相安撫江西奇衡薦於朝衡欲扳公回避乃
已公雖不仕常懷憂世心事苟宜民必告于當路宣
諭劉公大中李公案皆遣官屬咨訪利病公盡言無
隱二公賴之嘗著論二篇極言招安大盜之害洪師
李丞相寄其說未及行而去後師叅政張公守遂以
遺逸薦于朝郡守右史王公洋號儒宗吏師下車首
以禮幣邀公虛正堂訪政事即李官聽公講經一時

月益公文集 卷二十九
士大夫多為歌詩紀賓主之兩賢也十二年今敷文閣直學士胡公銓以忠言忤時相謫嶺表親交無敢通問公獨送以詩語以峻驚人後數年時相知之命師臣鞠公謗訕坐流辰州遠人素重公爭以為師武將馬羽攝郡事尤待公厚公謝曰某罪人也將累公羽曰由公獲譴其榮多矣更遣子受業後遂登科太上更化許公自便時年幾八十讀書益力夜對短檠作細字率宵分乃寢 今上即位有薦公者一見寤合詔略曰粹然者儒凜有直節頃以言語文字抵牾權臣流落排根殆踰二紀召對便殿敷奏詳華特

改左承奉郎除國子監主簿公以年高力求退命主管台州崇道觀令所在州常加存問既歸滋以道誼化鄉閭無貴賤賢愚一接以誠平生工詩至是格力雄健興寄高遠讀書不知其蔭之宿也心畫端莊自其天性人貴珍之乾道六年冬再召赴闕固辭 上不聽救守臣備舟車禮遣仍以引道日間踰年殆至對內殿特蠲拜跪禮賜坐勞問甚寵上欲留公公固乞歸於是制詔有司王某年九十餘而知識不衰行義益固錫對便坐富有嘉言其特除直敷文閣復以崇道俸祿之加賜寶香茶絲皆異恩也公蒙犯霜雪

往來數千里畧無勞瘁容明年三月己丑乃得微疾
啓手足詞色不亂則其所養可知矣享年九十有三
娶同邑劉伯玉女前二十八年卒一男頓一女嫁將
仕郎彭飛孫男二人詹皆世其業 孫女二人所著
書有盧溪集五十卷易解二十卷六經講義十卷論
語講義五卷語錄五卷雜志五卷滄海遺珠二卷方
外書十卷校字一卷鳳亭山叢錄一卷公學無不通
而尤邃於易少嘗師鄉先生張汝明晚自得於言意
之表漢上朱先生震文定胡公安國薌林向公子謹
見其解皆歎賞以為必傳公亦不輕示人歆歎公車
會詩獄興郡守議收公理掾汪公洵奮曰王君剛介
勇於義一紙書招之必來他掾变色云云自請提禁
卒挾巡尉捕公守唯唯他掾遂行至則突入公家公
談笑就逮家四壁立惟易解鐫篋中卒疑其貨也挈
以去他日公歎曰天厄吾書或謂今藏掾家云子頓
卜以十年正月丙午葬公本縣清化鄉長賦之原使
來速行狀將求銘於胡公惟昔伯父暨先君與公同
為政和戊戌進士故知公詳其再召也某適對禁中
坐定 上問銓薦詩人朱熹王某卿識之乎其既奏
熹出處具言公年德文章在今未易多得且登弟五

十三年矣。上曰：官卑何故？某曰：斯人早忤上官，晚復流竄官簿，以所不進。

陛下若哀窮悼屈，厚加品秩，錫之章服，足以觀善。上曰：俟其至議之。明年公至。上命寓直西清，蓋待以卿監，去朝禮。某嘗白丞相濟公王，某百年故老，扶杖造朝，意欲掛其冠，神武門丞相能為。上言俯聽所請，而官其一子，非美事。歟丞相曰：君言是也。上必不為。老人惜一子，官明日又言之。丞相曰：決矣。已而乃不報。天其或者欲公子孫自以儒業發聞于世乎？敢具列之，敬俟筆削謹狀。

京西北路制置安撫使孫公昭遠

行狀 朝道七年

公諱昭遠，字顯叔，初名大年，改今名。其先眉州眉山人。八世祖長孺，起書樓，延名士講學。蜀人號書樓孫家。曾祖著明，贈太子少師。妣崇國太夫人樊氏，杞國太夫人李氏。祖抃，被遇。

仁宗參嘉祐政事，以太子少傅致仕。薨，謚文懿，葬開封。子孫遂為鄭州管城人。妣昌國太夫人王氏。萬年，縣君賀氏。父詰，歷昌隨信陽三郡守，終承議郎。贈通議大夫。妣碩人李氏。公幼警敏，力學，善屬文。年二十

四登元祐九年進士第時策問首及熙豐凡不主新法者皆在末甲公其一也調長沙尉潭師長舜民文學氣節名天下奇公器識厚禮之教以立身行己之方丁外艱難服除主興國軍永興簿

徽宗初元舜民自謫籍起為諫議大夫不數日遷吏部侍郎公移書曰明公為諫臣今天下事可憂者非一不知可所論而遷擢如此其速中外疑焉因條時事所當言者舜民以公書奏曰昭遠非獨曉臣一身進退之分凡今日急務不假臣言畧盡之矣尋辟河東經畧司旬當公事易三師皆留佐幕府陝西方用師夏人巧窺河東時防秋兵總五萬散處塞上帥司奉朝命聚師命王舜臣將之虜知有備去犯它路朝廷謂不當擅追舜臣兵入塞師范鏜徒知河陽并劾主議者時同僚二人有親在公請獨坐遂免官閱四年始會赦起為鳳翔府天興縣主簿政和二年用薦者改宣德即知亳州譙縣改同知解州安邑縣兼監池皆不赴為永興軍路安撫司旬當公事再任都大提李權茶馬司旬當公事熙河路積緡錢四十萬隨軍轉運使欲以便宜移用公力爭不可漕歎曰吾僚寧有若人乎未幾漕移師秦鳳鄜延皆首辟公奏再

上而本司爭於朝因是詔恭司官屬它司毋得辟
久之執政聞公名再召審察率以不阿附不得用宣
和二年以朝請大夫通判滑州兵馬司吏王實結官
橫甚前後守臣莫敢治公一日攝行郡事適有訟實
者捕實獄籍其家贓萬計杖而黥之河溢胙成逼房
材埽公督役而埽欲壞吏卒往潛遁公不為動人以
比王尊云孟昌齡既鑿三山創天成聖功二橋而聖
隸滑秋水至橋輒壞都水監挾中貴人歲督繫橋費
不貲民破產相踵公條其可省者上之滑當河北衝
要時方取燕過師無虛月而州兵九十指揮沿河歸
兵倍之倉廩大匱一日月給稍腐衆囂甚持挺逐倉
官且擁太守以入人皆亮懼公至曉以禍福且徧開
倉示之曰汝視此與給汝者果異乎衆帖服公乃白
守治其為首者是日微公幾亂用士民舉留再任宣
和末盜起和朔或薦公充河北山東路撫諭盜賊旬
當公事有旨入覲就除河北燕山路轉運副使詔給
中都錢三百萬緡糴米三十萬石餉燕山又許辟其
屬十人非常制也數月糴告備會孟揆以工部侍郎
兼水陸轉運使自詭糴米五十萬饗新邊既不足則
雜砂石其中而謂公實為之亦會同列有憾公者亟

奏其事貶廣南監酒燕師蔡靖飛章辨其枉猶降三
官領舊職靖康元年召為尚書水部員外郎言者謂
京師所發關陝噐甲及解監鈔綱皆濡滯于道命公
措點檢催促公區處有方以時畢至即計軍噐之有
餘者請還之使備西邊又 祖宗時解鹽鈔面錢止
六千至是增為八千公奏曰以銀拆銅錢熙寧中皮
公弼之失貼納鈔面錢政和中魏伯芻之貧今復展
轉估紐鹽價益貴願從舊法朝廷皆從之虜圍太原
我師多潰 欽宗命拆彥質乘傳招集彥實汾州潰
兵二萬河津乞選朝臣陝西師臣招集任委官部還
河東詔命公往公言軍士逃歸其氣已索理難復遣
不若就令西戍猶冀有功也又論長安河中不可不
為備今所在州縣調保甲乘城其實自衛不若擇安
害地使控扼不聽初公以六月使陝而以十月未還
京師十一月十四日虜陷洛陽京師戒嚴西京留守
西道都總管王襄移治襄漢 欽宗命擇副襄者使
督師陝右中書侍郎何臬以公聞特除秘閣脩撰西
道副都總管與三路師臣序官仍許便宜從事公奉
詔即以五兵三馬出西門十八日虜騎已過鄭道梗
不能進方復至京抵南門將道尉氏而都城已守禦

公下馬望闕再拜而去道招潰卒得數百人由南陽入商路出藍田遂至京兆時閏十一月也制置使錢蓋遣統制官杜常夏淑將士數萬至京西而潰永興路安撫使范致虛自稱御前會合軍馬勤王入援所號召諸路之師公至督其進且曰天子初命四道總管也兵得調發官得廢置財穀得易用急則總師援王室今京師圍急旦暮望救至遠邇可乎言詞慷慨聞者感動又徧檄諸帥使出師也而環慶帥王似熙河帥王倚各以師來會而涇原帥席貢秦鳳帥趙點鄜延帥張深皆不至公二十八疏劾之合諸路兵得十餘萬范致虛命馬祐昌統之斬杜常夏淑牛華陰公與致虛同出閔俄祐昌遇虜於石壕千秋間戰敗績致虛還京兆公獨與王似王倚留陝虜併兵攻陝陷之時兩蜀輸金帛助河東公用其屬韓武張延齡計止之河池籍募兵得精銳數千軍再振而京師陷乃遣使至大元師府建炎元年五月 太上皇帝即位詔公入覲公御下嚴整所過肅然內鄉賊尚虎擁數萬餘公遇而破之見上太上南都頓首涕泣謝奉使無狀太上慰勉之除河南尹西京留守西道都總管悉以公所提西兵數千付御營統制官張俊止以蜀

兵數百上道七月至洛收集散亡招撫豪傑調兵陝西河北合義兵萬餘人柵伊陽使民入保會罷回四道都總管以公為京西北路制置安撫使西師既非所隸悉引去公數以洛無城池而彊虜對境侵牧之狀聞於朝又與諸子書曰今日扞禦甚難若假一歲庶或可保吾四男二女今不復念要為忠義死耳汝曹如意讀聖人書行古人事無以我為念十二月虜兵來攻公悉衆扞禦驍將姚慶戰偃師死之公即命將官王仔等奉 啓運諸殿神御間道走 行在虜兵益熾公戰益不利而虜已破岐雍秦隴南侵唐鄧陳蔡潰兵滿野公猶招集之已而見公麾下單弱欲擁公南公罵曰若等平日衣食縣官不以此時報國今將何為叛兵怒起繫公遂死馬官屬從者皆死二年正月十四日也是秋 神御方至 行在四年夏錄公忠義詔贈為猷閣制官其子孫三人後以二子升朝累贈左金紫光祿大夫公天資孝友輕財重義尤喜卹孤幼教育嫁娶咸有立遇事劄果議論詳明待人一以致誠未嘗附麗干進好學老而不衰與人商論古今及 本朝故實纒纒可聽晚值時艱志大而命不副卒以身殉士論惜之享年五十八先娶李

氏公舅女也累贈和義郡夫人再娶張氏戶部員外郎岫之女累贈永嘉郡夫人四子右從政郎監潭州南嶽廟炳文右朝奉大夫知常德府賁文右朝奉大夫知南雄州憲文右迪功郎右文文適右朝奉大夫前知萬州鮮于噩右宣教郎新知通州胡倚孫男十人共懿右承議郎知建昌軍南城縣餘未仕女九人曾孫男女八人公既歿賁文崎嶇兵間訪柩於死所赴弔者悼公之忠懷公之惠無不流涕是年八月殯真州之六合後八年乃克葬于婺州金華縣赤松鄉載家塢予生晚不及識公南雄君以同里之故求次事公實甚切惟公忠節晚然足以不朽而南雄君罔墜先訓自以才猷發聞于世近臣數薦之所以顯揚其親者固將有在尚奚待予言若夫紀歲月序閱閱以備太史氏之採擇則亦不得而廢也

神道碑一

左朝大夫克敷文閣待制致仕柳公約神道碑紹興三十二年

上即位之三年冬虜騎大入踰淮涉江蹂二浙右丞相克以宣撫使護諸將畏敵不能拒擁衆北去金陵會稽皆守以近臣亦愛一死不以謝 國家其餘望

風震驚鮮有犇問官守者故敷文閣待制柳公約當是時以直龍圖閣守嚴州悉力扞賊境內既按_安坵則慨然上書請糾合諸郡尅復吳會 上親筆答曰寇陷臨安朕方避地將士鮮復用命嘉卿清行寤寐不忘卿更審量事宜率士進_討詩會虜退而止明年三月上念公之忠 制詔有司柳約當_狂枉虜猖獗鄰邦紛擾之時力圖禦敵賊無敢犯其以約克右文殿脩撰守郡如故十月又 詔曰軍興費出無藝吏慢弗處柳約獨謹賦輸率先程督其進秩一等又明年三月詔曰柳約郡當虜衝而能不辭難不避事益嚴列柵保綏一方朕甚嘉之其以約充集英殿脩撰寵數便蕃度越倫輩上心猶未愜也十月遂趣公對獎勞再三擢權尚書戶部侍郎公於是感激奮厲悉力盡言九例外宣索皆執奏不進如論吳玠等罪未正非所以厲臣節諸大將提兵入覲各名其家將有尾大不掉之患皆衆人噤莫敢發者會高_麗請脩貢議遣使報聘 上顧廷臣無出公右加試戶部侍郎充其選且有大用意當路忌之諷言者誣以事罷為提舉江州太平觀蓋公之出處大槩如此至紹興壬午公歿十有七年矣其仲子右朝散郎江南昌路轉運判官

大節以書某曰先人墓道斷石久矣而辭未刻子嘗
列職太史氏知先人宜詳願以屬子某與轉運君同
朝夕辭之不可乃取公節義着於士大夫耳目者表
而出之且具載 天子制書所以褒表公者然後考
其世次官闕而取之按柳氏得姓於展季子孫自魯
入楚其後或遷河東或徙汝隸遂仕江表至公之遠
祖有自縉雲徙杭者未幾復遷嘉禾令蓋為秀之華
亭人也曾祖韓昉此高氏祖諱昌贈特進妣華原群
夫人陳氏考諱廷俊被遇 三朝仕至述古殿李士
贈開府儀同三司批和國太夫人胡氏公字元礼登
大觀三年上舍第試李官中之授霸州州學教授徙
睦州入為辟廱正迂博士改宣義即充廣親宅宗子
博士公深於經術而屬粹辭微大為李者宗仰
徽宗雅欲試之命提舉福建路李士宣和三年遂召
對論內外政甚悉次乞罷內外官到堂日投牒求官
以厚風俗帝說諭旨除即為權倖沮止得秘書省校
書郎四年兼統編脩汴都志編類官明年進著作佐
郎為府監發解別試所考試官吏即武士內外舍試
卷差互坐失覓察送吏部注徽州司錄改通判宿州
郡僚以事相持牢不可解公鑄曉之曰某直近訐某

曲近不遜曲固麗于罪訐且干清議柰何其人愧服
勿敢爭人益知公為長者七十召拜監察御史靖康
初兼權殿中侍御史嘗論三鎮不可棄改尚書工部
員外郎進左司郎官丁父憂服闋以直顯謨閣充御
營使司參議官遷太常少卿己酉秋

車駕將自金陵移蹕平江公疏言兵可進毋示賊以
怯九月除直龍圖閣知台州未至徙嚴州兼兩浙西
路兵馬都監節制管內軍馬自是遂以忠勞召用用
未久而罷名稱益重雖上亦眷公不已居七年復

秘閣脩撰會侵疆來歸起知蔡州公被命即行畧無
顧避意未幾虜渝平傳檄河南守臣皆舉城降公獨
驛聞復遣使數輩司乞師於武昌得報而後返又用
之郊恩次對敷文閣前後食祠祿者十二年紹興
十五年秋上章告老九月二十五日以疾卒于家計
聞優贈四官賜恩如故事士大夫皆以不大用為公
惜享年六十有四官自將仕郎轉至左朝議大夫累
贈左宣奉大夫娶魏氏吏部侍郎憲之猶子早卒贈
碩人三子大方右從政即廣德軍廣德縣丞後公一
年卒次轉運君也才自見更內外任使號能守其
家法者次大辨右承奉郎湖廣江西京西總領司幹

辨公事孫男女十一人公天性至孝和國病甚泣禱于天願損壽以益親和國尋愈其後公竟先兩月卒遺命曰述古葬臨安之西溪我死無他卜諸子遂以是年十二月四日亦葬公西溪去先塋纔數里云世言儒者不適於用此殆見夫誦說章句槩槩拘拘以儒為名而無其實者爾公以侍從子當承平時由文李自奮歷踐臺閣純明茂美不懈于位人固未知其應變如何一旦國步多艱於橫潰中屹保孤城悉其賦興欲獎王室用能迎天之休顯著勲効及擇聘使首在選中雖過於諛其節益著儒者之効其是稍白彼平時號烈丈夫以剛明忠勇自任臨事往往周章顛越庸驚鼠竄甚至毀節附賊偷生頃刻視公施設孰為賢否宜有聲詩以信後世其辭曰

孝移於忠 勇出於仁 古所謂儒 不在斯人
當用而迂 乃我之羞 名與實違 又儒之仇
恂恂柳公 性行淑均 王室多難 其氣始振
有力必陳 有言必進 國如尊安 身也何病
駕_延海隅 公撫一拜 敵愾折衝 覲其披猖
上曰忠哉 屢錫爾祉 有華禁路 公馬是履
沃日之濤 誰復安行 不憚不辭 惟公竭誠

嗟嗟諛言 曾不公釋 可奪者位 莫掩者德
天子是思 起守新疆 儼狁孔熾 毀節相望
公驛而聞 上曰邁返 次對西廂 始卒尊顯
誰嗇之年 不知事樞 考行察終 展也醇儒
我作銘詩 著其大要 既垂無窮 亦念有廟

興國太守贈太保王公綢神道碑

興國太守安陽王公既即世之三十二年當乾道四年春 上用公之子清源公簽書密院事三月制詔司封按故事贈公 太子少師粵六年冬紀禮成清源公以參政事宣撫全蜀復有太子太師之命明年

清源公即拜樞密院使恩數如宰臣又贈公少師九年 郊霽遂贈太保鈿軸輜絜其盈囊於是清源公以趣召還朝半道工書 天子願奉外祠歸展先墓既得請則致告焚於塋下泣而言曰予惟先烈是承有此爵位凡所以抑揚潛德振宣幽光既備載於訓詞獨隧道之碑久而未劾小子其何敢安乃以尚書郎陶去泰之狀來請銘按王氏望于祁東漢名霸者號其鄉曰君子鄉自是代為士族公之遠祖始徙常山真定以財雄北州五季遷博平又徙相州今為安陽人也四世祖永錫當 國初以明經起家仕至尚

書主客郎中河東轉運使主客生殿中丞知青州益
昌縣悅清脩不競鄉里復以王君子呼之後贈尚書
禮部侍郎其葬也龍圖閣直學士趙公師民為之誌
配張氏賈氏苑氏贈樂平廣平博平三郡太夫人生
子五人皆奉進士時謂五龍中子東珣張出也中慶
曆六年進士第嘗典三州年六十一即杜門不出官
至朝議大夫卒年八十三後贈太保龍圖閣待制盛
公陶實銘其墓配劉氏贈慶國夫人太保生同州馮
翊縣令贈少師審禮即公父也母陳氏許氏皆贈福
國夫人惟公矣變世種德其施甚遠公又承祖考之休
而避其報急國家之病而辭其祿寧羸厥躬以昌後
人是生名臣為宋輔弼出入將相福祿未艾易曰積
善之家必有余慶傳曰非此其身在其子孫其弗信
矣乎公諱陶字敏功生而穎異太保鍾慶馬元祐八
年奏為太廟齋郎紹聖四年太保薨哀慕如成人年
十六少師歿於馮翊欲歸柩安陽而力不給會部使
者至公哀經踵門伏地號訴使者義之率州官贖其
行人謂王氏有子矣免喪以將仕郎主大名府成安
簿大觀初河北置糴便司且鑄夾錫鐵錢都轉運使
梁公子美聞公才辟監磁州裕民第二監兵多不逞

圍諸重垣棘園之中邏卒繫折以衛猶有逸者會詔廢監其徒闔扉謀叛人心克懼公梯墻入大呼曉以禍福衆唯唯聽命州上其事不報去為陳州南頓慰右史張公來居宛立一見竒之授六經杜詩公自是博極群書作詩尤豪逸未幾許夫人疾沿檄就醫京師凡以藝名無不造為醫感其誠咸願盡力而夫人竟不起公護喪虐行歸鄉終制授茶州真陽今政間推行道教青苗役法保甲市場居養安濟漏澤等事有司覬賞趣辦苛擾公獨以身苑民未嘗笞責而事以濟上官交薦改宣教即知大名府崇城縣丞宣和三年四月河決恩州魏之隄防素固都水使者欲藉以為功調急夫數萬歛新芻無藝刻期增築蠶麥方登民胥怨苦公職兼埽岸部夫堤上力言堤必不決請俟農隙使者不從公憂衆潰以便宜遣傍邑從而效之使者劾其事事下府尹轉運使審究兩司力佐公竟得無他童貫宣撫幽燕凡累朝兵伏數百萬貯北京者皆取以實邊又調民守燁燧運金穀文書旁午動以軍法繩官吏公知亂將作投劾還家平墳墓鬻產業南徙蔡州族黨交誚公毅然不顧求知無為軍之業縣涖事纔累月而金人入寇衆始服公先

見依公者相屬也靖康元年汴都戒嚴四方勤王兵
過縣無虛日公用行宮法創芟舍居之饋餉素備無
秋毫擾寇閻瑾破黃州將掠舒蘄提點刑獄胡憲可
謀於公公為草檄遣客說瑾瑾即引去時郡盜蠢起
公策巢當江淮衝要乃環邑浚壕因土為城引焦湖
水灌壕中其南以大河為固版築未合而賊李仲者
號李鐵棒擁衆蟻集公率鄉丁拒守伏砲斃一騎賊
怒益具攻具會 光堯登極赦至公募士持諭賊令
歛歸 行在仲驚喜下馬拜赦連呼萬歲以書

謝公遂趨南京當是時巢以東郡邑晏然賴公力為
多俄劇盜張遇號一策蜂自京東轉剽數州無敢攖
其鋒既焚歷陽巢境大震公披甲督民丁乘城手發
百矢不卷殺賊甚衆賊謀知南城未合潛以甲壬筏
湖來夾功水力戰水濱身中數矢左右殊死闔城為小
郤而同僚守北壁者不能支賊遂登陴公亦創甚或
挾公登小舟僅免賊歎曰吾橫行列城未嘗遇敵如
此約其下毋縱火殺人留一夕過池陽聚千艘帆風
上江鄂矣制置使劉公光世具以事聞因奏公節制
淮西兵甲沿江捍禦已而賊復自鄂東下聞公屯北
岸舟不敢泊劉公再上功 詔進秩一等監察御史

唐文公集 卷之二十九 三十一
寇防撫諭江淮四路又表功劳有 止留再任壽春
守康允之移帥浙西辟公幹辦公事建炎三年冬金
虜陷秣陵 車馬幸浙東議者慮虜道寧國踰千秋
嶺入於潛 詔允之擇官統民兵扼嶺下衆有難色
公慨然請行且密謂允之虜勢張甚吳人豈能支若
用團結義社四万退守富陽臨安之險令士庶散保
於潛昌化聚江下之舟載粟帛如富陽空杭城以委
之彼未無所掠上無所資欲濟則舟不可得又聞義
社分守旁邑將畏首畏尾不暇我以銳師乘之或可
得至此上策也允之不聽公行及餘杭有披髮南奔
者問何人曰搗商也遇胡於溧陽我晝夜疾馳是以
獲免彼行如鬼亦且至矣時虜知簽樞周公望師衆
十万屯姑蘇而允之必阻千秋故自溧陽庶獨松嶺
掩我不備公急移書告允之募吏猶疑不實請再遣
覘者尋而游騎數百奄至北郭陳桑林中允之大驚
出兵禦之知其果虜也皆望風潰城中遂煨燼矣允
之始悔不用公言公在千秋飭備甚至女奴吐乘乱相
攻劫公往束彈壓誅其尤無良人者情以安他日州
縣吏多被罪惟公用勞遷秩駕還會稽趙忠簡公簽
書樞密院事請置計議官四員專治機速賞功事首

薦公為之時疆場日駭盜賊所在璠結公謂宜駐蹕江寧內降群盜外臨中原失此時不為南北之勢分矣又上急務數條未及行而忠簡公去位公亦請外得知興國軍蓋四年九月也李成之叛分兵據軍治紹興元年五月趣公之官單車行荆棘中至累日不見人烟八月始視事賊雖去而官府草創豪右暴橫公竭力爬梳使就繩墨日夜督屬令招集耕農貸以種糧於至斗米斤鹽率直三千已而流通四歸井邑漸復物賈亦平二年六月詔曰王某首奉詔令勞民不怠厥功茂焉可召赴都堂審察無何言者謂凋郡方倚良守胡可遽奪乃命遷一官任滿褒擢久之淮南潰卒路進以千人濟江薄境軍無城壘廂禁兵不滿百公亟乞師於蘄州戍將李山且聲言悉營兵合擊進聞遁去人謂微公應變有方一邦復塗炭矣四年力求祠官卜居廬阜日與高僧及隱者游超然若有所得山中人人往往携酒候道左公輒與班荆劇飲年總五十賦詩送人赴南宮云我欲掛冠去君當衣錦還人歎公之達而不疑將逝也八月十四日乃以疾卒十月十一日葬山南丹桂鄉栗里村殊原山積官右朝請大夫娶宜人韓氏陳氏皆贈福夫人二

子長即清源公炎今為觀文殿大學士湖南安撫使
次曰圭終迪功郎邵武縣主簿孫四人思牧將仕郎
蚤世思齊承務郎思訥承奉郎一為僧曾孫二人伯
輝承務郎伯煇未官公才雄氣豪身長六尺餘音吐
洪暢飲酒至數斗不乱談辦衮衮遇事迎刃輒解蓋
偉人也中興初士習久安鮮能自奮於功名公在下
位獨表表有閑守巢功雖不終智勇已可見入浙師
募言雖不用策慮則遠矣趙忠簡深知之方入相而
公歿其命也夫銘曰

遠矣王宗 其來有承 如彼大川 至公方增

問其才李 允文且武 問其政事 利興弊補

士患無時 時方艱虞 公止一邦 而志弗舒

士鮮已知 知己實相 公如相避 命也奚悵

二者則然 壽疑邈綿 誰不耆老 公又無年

天於斯人 報施常必 畀公以豐 胡受也嗇

蓋身之豐 百年易終 以貽後人 變世不窮

子既顯矣 孫亦未艾 刻銘昭之 尚勸無怠

擢太常少卿贈銀青光祿大夫滕公庾神道

碑 淳熙六年

睢陽滕子濟子端為兒童時俱負雋聲踰冠同登崇

周益公文集卷之九 卷之九 九
寧五年進士弟相繼中詞李蕪茂科政和宣和中先
後入祕書省為正字為著作佐郎他人方附麗權門
躡取顯官二公獨恂恂自守滯留儒館泊如也

光堯皇帝中興于南京首用鄉閭之望子濟既由太
常少卿綿菴登壇盛禮仍掌告天四青之文子端
旋以博士討論典故蓋其踐歷往往同時亦或相代
人號衣冠盛事會宰相惡陳東歐陽徹之訐直加以
大辟子端即上疏申救且移書廂府復欲回詆之為
同舍郎杆上義槩籍籍紳閒已而從幸廣陵子濟
由左使遷中書舍人子端亦為郎文昌省攝容臺事

駸駸進用矣是歲十二月十八日子端遽以疾卒不
二年子濟遂自諫大夫入翰林登樞府故君子於子
端尤大息焉壽總四十二明年長子瑾挈樞南渡旋
定于婺州金華縣北山俱胝之原至淳熙四年瑾守
通州其弟琛守舒州書未言曰先人早世於今五十
年類遺訓餘澤兄弟分守兩淮銀印青綬追爵二品
惟是墓道有碑而碑未刻死且不瞑敢以為請某舊
嘗讀公文又聞救東徹事欣慕其高節且於二守嘗
同僚同朝其何可辭辭乃序而銘之公諱庾字子端世
居應天府宋城縣曾祖衛尉寺丞堯臣贈太子少保

妣晉安郡夫人王氏信安郡夫人陳氏祖宣德郎公
綽贈太子少傅妣魏郡夫人張氏魯郡夫人鄭氏父
左朝請大夫知鄂州友贈太子少師妣蜀郡夫人常
公少力孝年十二為瘞死禽磨瓦書之題曰雀王
墓碑自是盃酒嬉笑率寓於文見者驚異初仕為將
仕郎蔡州新息尉民號清和縣尉秩滿陞通仕郎調
陳州商水丞既中科目循文林郎為九域圖志所編
修官改宣教郎 駕再幸祕書省轉奉議郎歷承議
郎除正字九域志成轉朝奉郎 駕再幸省轉朝散
郎遂佐著作進朝請郎丁內外難建炎初元起為太
常博士轉 朝奉大夫擢都官員外郎時庶事草創
賞功補副尉者不可計是非混淆公謂興復大業在
信賞必罰今吏以微文沮所當得而以賅謝予其不
當得何以鼓天下忠義之氣又帖給吏手多假託權
勢取之因轉售於人冒濫滋甚於是隨事爬梳聞諸
朝嚴其籍轉朝散大夫兼權太常少卿初李丞相綱
素善公其論救東徹也當路頗以為憾久稍諒其無
他委看定四方封事公晝夜省閱凡可行者差次潤
色類以奏御欲裨助初政憊心疲精失食飲節坐是
致疾吏祁儼乘時為姦公力疾案治之無何長貳右


儼管之而已公歎曰吾為郎治一吏不見信况敢望
 協心為國乎天下事畧可見矣因忽忽不樂以至書
 起起笑藝術見輒能天資明敏恢宏自信為文章立成下
 至書笑藝術見輒能之惟於仕進不汲汲在館閣八
 年非旅進不至政府日抄異書以廣見聞少師公與
 弟比登儒科坐上書入元祐黨晚御諸子甚嚴公朝
 服受教教畧無惰容脩身謹行惟恐貽親憂同父昆
 弟姊妹十五人極其友愛初娶常氏諫議大夫安民女
 追封信安郡夫人再娶路氏室文閣直學士昌衡孫
 追封咸寧郡夫人五子三女皆路出璫璆早亡次通

州次瑞未仕季舒州也長女適右迪功郎馮揆再適
 左奉議郎駱仲季餘不及嫁孫男七人仲通仲容仲
 雍仲山仲忱仲恂仲宦仲容迪功郎福州懷安縣主
 簿孫女四人長適迪功郎新鎮江府司法參軍呂祖
 恕餘尚幼銘曰

赫赫光光 龍飛宋都 誰誰鴈行 漸于鄉閭
 可用為儀 匪直其羽 亦有忠言 以驚該輔
 伯兮先登 秉國事樞 季止即潛 命也何居
 天之於人 報有先後 不于其身 必蕃厥胄
 是生良子 剖符相望 追爵二品 審章未央

公文可傳 公行可紀 詩以聲之 公為不死

周益公文集第二十九



本部书未完
续后片卷

周益公文集二百卷

宋周必大撰

年譜一卷附錄五卷

明祁氏淡生堂抄本〔瞿鏞校並跋〕

一百冊

共撮7捲

撮制目錄見3584①

书 号 3584

本片卷含卷首一卷 29